

Mapudungun God's Simple Plan

Ngünechen ñi Kūme Dunggu

Itrokom che ta yafkay ka fūtra kamapuley reke engün tati Montulchefe Ngünechen mew. Romanu 3:23

Tati yafkan ñi wülkeel re lan dungu müten, welu Ngünechen wülkey tati rumel mongen, Cristo Jesus mew, iñchiñ taiñ Ñidol. Romano 6:23

Fey Ngünechen ñi kūme piwkengen mew, eymün elungeymün tamün montuael tamün feyentulen mew. Fey tūfachi dungu eymün kisutu tamün femkūnunoel, welu may ta elueymünmew ta Ngünechen. Ka eymün tamün kisu femelchi dungu no, fey iney rume ngelay tañi mallmawael chem mew no rume. Efesio 2:8-9

"Welu ti kofrakelu ta impuestu mülewey pichi alü kamapu, newe pūrapaduamlay rume tañi lelipūrayael, ka femngechi wülelkamekey ñi rüku fente ñi weñangkün. Ka feypimekey: '¡Ngünechen kutranpiwkeen may, yafkafengen ta iñche!' Luka 18:13

"Fey tūfa ta feyngey Ngünechen am rume piwkeyefilu ta kom mapu mew mülechi pu che, feymew wüli ñi kiñen Fotüm femngechi kom tati feyentulu kisu mew chumkawnorume ñi lanoael, welu may ñi nieael ta rumel mongen. Fey Ngünechen am werkūnolu ñi Fotüm ta mapu mew, tañi kondenayafiel ta che, welu may tañi montulafiel kom che. Juan 3:16-17

Eymün ta niekelaymün doy kakerume kintukaduamngen fey tañi niekefel ta kakelu pu che. Iñche feypiwaiñ Ngünechen ñi maneluwünngen. Fey kisu elulayaeymünmew ta doy fūtra kintukaduamngen tamün wewtripaleam müten. Fey femngechi ta kintukaduamngelmün, Ngünechen eluaeymünmew chumngechi tamün newentuleael, femngechi tamün wewtripaleael ti kintukaduamngen mew. 1 Corintio 10:13

Rüf mew maneluwkülen chem no rume taiñ famentunoaetew Ngünechen tañi piwkeyeche mew: tati lan no rume, tati mongen no rume, tati pu werken püllü no rume, tati pu pepiluwünn gelu ka ti ngūneluwünngechi püllü no rume, tati fewla mülelu no rume, ka müleachi dungu no rume. tati fentre pūralu no rume, ka tati rume alü konlu no rume, ka chem no rume Ngünechen tañi dewmael. ¡Ngelay chem rume taiñ püntünentuaetew Ngünechen tañi piwkeyeche mew, tati pengelel ta Cristo Jesus mew iñchiñ taiñ Ñidol! Romanu 8:38-39

Cristo mupitufi itrokom tati ley dungu femngechi itrokom che, tati maneluwlu ta kisu mew, ñi wiñoduamangetuael tañi yafkan mew. Romanu 10:4

Fey Ngünechen am feypilelu ta Wirin Chillka mew: "Feychi doy duamtunielu kellu eymi allküñmaeyu tami ngillatun, Tami piwkeyefiel mew werküleleyu kiñe Montulchefe tami kelluaetew." Fey tūfa ta feypiwpeyiñ: ¡Tūfa ta pepilfali Ngünechen tamün füreneaetew!

¡Tüfa ta pepilfali tamün montuluwael! 2 Corintio 6:2

Fey ti pu che trawüluwküleyelu fey mew, allkülu engün tüfachi dungu, rumeñma pellkey ñi piwke, feymew ramtufingün ta Pedro ka ti kakelu pu apostol:

- Pu peñi ka pu lamngen, ¿chem chumaiñ anta iñchiñ? Feymew Pedro llowdungueyew engün:

- Wiñorakiduumtumün ta Ngünechen mew ka fawtisangeaymün Jesucristo tañi üy mew. Femngechi Ngünechen liftutuaeymünmew tamün yafkan mew, ka femngechi kisu eluaeymünmew feytichi Lif Küme Püllü. Hecho 2:37-38

Ka femngechi feley tamün nietuael we mongen tamün kuerpu mew, tati adkünüel chumngechi ñi ayüel ta Ngünechen, ka kimfalkelu ta kiñe nor mongen mew ka lif rakiduum mew, tati newentuwkülelu rüfngechi dungu mew. Efesio 4:24

Tati Wirin Chillka am ta feypilelu: "¡Ngelay iney no rume nielay yafkan ñi pingae! ¡Ngelay kiñe che no rume! Romanu 3:10

Femngechi llemay, kiñe wentrü mew müten müley ta yafkan mapu mew ka femngechi müley ta lan dungu. Romanu 5:12

Iñchiñ chem pepiluwñolu rume taiñ montuluwael, Cristo fente küme llegpay ñi layael tati pu wesake mongenngelu mew. Romanu 5:6

Welu kimfali Ngünechen taiñ piwkeyenieetew, feychi petu yafkafengelu ta iñchiñ, Cristo lay iñchiñ taiñ duam. Romanu 5:8

Fey tüfachi kimelün dungu ta tukulpaniefi kisu tañi Fotüm Jesucristo, iñchiñ taiñ Ñidol tati Wentrükünüwpalu, tati longko ülmen David ñi tuwünngelu, welu tati Lif Küme Püllü ñi pepiluwün mew wiñomongetuy, fey Ngünechen ñi Fotüm pingey ka elungey kom pepiluwün. Romanu 1:3-4

Kimnieñ ta Cristo ñi dew wiñomongetun, fey ka wiñome lawelayay, tati lan dungu am niewenolu pepiluwün ta kisu mew. Romanu 6:9

Fey kisu tami wün mew feypilmi "Jesus tañi Ñidolngen" itrokom dungu mew, ka tami piwke mew feyentulmi Ngünechen tañi wiñomongeltuetew, nieaymi ta montuluwün. Romanu 10:9

Fey tüfachi dungu am ta feypilelu: "Itrokom che ta maneluwkülen 'montulen' pifile ta Ñidol Ngünechen, nieay ta montuluwün." Romanu 10:13

Rüf mew maneluwkülen chem no rume taiñ famentunoaetew Ngünechen tañi piwkeyechen mew: tati lan no rume, tati mongen no rume, tati pu werken püllü no rume, tati pu pepiluwünngelu ka ti ngüneluwünngeschi püllü no rume, tati fewla mülelu no rume, ka müleachi dungu no rume. tati fentre püralu no rume, ka tati rume alü konlu no

rume, ka chem no rume Ngünechen tañi dewmael. ¡Ngelay chem rume taiñ
püntüentuaetew Ngünechen tañi piwkeyechehen mew, tati pengelel ta Cristo Jesus mew
iñchiñ taiñ Ñidol! Romanu 8:38-39